


Miscellanea 823-18

# Lopen der Absagung Beyder /

Der Durchleuchtigsten Hochgebornen  
Fürsten vnnnd Herren / Herrn Johans Friderichs / Herz  
zog zu Sachssen / vnnnd Philips Landtgraue zu  
Hessen etc. wider Herzog Heinrich (der sich  
nennt der Jünger) von Braunschweig /  
zugeschickt.

Anno: 1 5 4 2.





**I**n Gottes gnaden / Wir  
Johans Friderich / Herzog zu Sach-  
sen / des heiligen Römischen Reichs  
Erzmarschalck vnnnd Churfürst etc.  
Vnnnd von den selben gnaden / wir Philips Land-  
graff zu Hessen etc. fügen dir Heinrich / der du dich  
nennest den jüngern Herzog zu Braunschweig / vnd  
Lünenburg zu wissen / das die Ersamen vnd weisen  
Burgermeyster vnnnd Rethen der statt Goslar vnnnd  
Braunschweig / gemeiner Christenlichen verstantnis  
vilmal hochlichen beclagt / wie du ihnen das ihz / wi-  
der Gott Ehr vnd landtsriden Recht / vnd alle bil-  
lichkeit / auß neidigem mütwillen inn vil wege genum-  
men / ihre Burger verfestiget / vnnnd deines Landts  
verbanner / die strassen verhindern lassen / vnnnd sie  
inn vil wege dermassen beschwert vnd vergewaltiget  
hast / das sie lenger sich nit enthalten möchten / Vnd  
dadurch nit alleyn von irer zeitlicher narung / Weib  
vnd Kinder / sonder auch von ihrer Christlichen Reli-  
gion getrungen werden. Wiewol auch gemeyne ver-  
stantnis vnd wir ein zeit her bey Römischer Keyser-  
licher vnd Königlich Majestaten vnsern aller ge-  
nedigsten herren / alle güliche weg gesucht / so mensch-  
lich vnd möglich gewest / Auch irer Keyserliche Maie-  
stat suspension der vermeynten Goslarischen Acht  
vnd Declaration des Regenspurgischen abscheydts /  
Das solch vermeinte Goslarische Acht / inn dem sel-  
bigen abscheyd begriffen sey worden / genediglichen  
gegeben / auch die Römisch Keyserliche Majestat  
A ij

solche suspension vnnnd Declaration mit aduocirung  
der sachen / gnediglichen Confirmiert auß Keyser/  
licher macht volkommenheit gesagt vnd geordnet hat/  
Das solch suspension crafft eyner Absolution haben/  
Vnd du denen von Goslar ire Zehende / Zins / Gilt/  
Hoffgüter / Hütten vnd Berckwerck / wider zůstellen  
soltest / daruff frid gebotten / Ihre Königlische Rethen/  
Doctorn zů Executozn solcher gebotten Restitution  
an dich gesandt hat. Vnd aber du mit außgetruckte  
worten / dich hast vernemen lassen / Das du solchen  
Key. vnd Kön. geschefften / vnd gebotten nicht gehor  
samen / Sondern die berürte vermeyte Goslarische  
Achtbandhaben / vnd daran alle deine habe vñ ver  
mögen setzen woltest / Vnd dich den selbigen Key. vñ  
Kön. Suspension / Declaration / Confirmation / Ad  
uocatio / Mandaten freuenlich widersetzt / Dardurch  
die Key. vnd Kön. vngnad vnnnd straff verwickelt/  
den Landfriden inn vil wege verbrochen / Vnd als  
ein vermessenner handthaber der Goslarischen ver/  
meynten Acht / dich dadurch der von Goslar Feinde  
öffentlich erclert habst / Vnd demnach weiter vermel  
det / Das du nit allein sie / nit wider restituirst habst/  
sonder für vnd für trachtest / sie gar inn deine handt  
vnd gewalt zubringen / Vnd derhalben einen gewalt  
vnd beschwerung vber die ander thettest / vnd lieffest  
zůfügen / Serhalben inen one ir gründlich vnd ende  
lich verderben vnd vndergehn vnmüglich sein wolt/  
solliche lenger auß zuwarten / Haben auch Uns vnd  
vnsern einigungs verwandten / derhalben glaubwir  
digen / ehrlichen vnnnd beweisslichen bericht gethan /

Das inen billich darob geglaubt wirt/mit angehoff-  
ten/höchsten flehenlichen bitten vnnnd vermanung.  
Dieweil ihnen solichs alles auß basis der Religion be-  
gegnet/vnd sie gewalt vnd zwang leiden. Das die  
stende vor berürter vnser Christlichen vereynigung/  
Auch wir als der selbigen oberster Hauptleuthe/sie  
mit hilfflicher gegenweh:rettung vnnnd schirmung  
vermöge berürter Christlichen vereynigung/auch  
Keyserlichen Mayestat landtfridens/Vnnnd darzü  
auch Christlicher pflicht/dardurch ein jede Christ-  
liche Oberkeyt/den vertruckten vnd oberweltigen ret-  
tung zuthün/vor Gott schuldig vnd pflichtig/lenger  
nit verlassen wolten/Sieweil ihnen dann von berür-  
ter vnser Christlichen Eynigs verwandt nus/inn sol-  
licher ihrer not zū ihrer rettung/wider deine gewalt/  
vnd vnchristlich/auch landtfridbrüchige handlung/  
vff den Landtfriden/auch die Key. suspension vnnnd  
Declaration/Deßgleichen die Römisch Key. vnd  
Kön. Commissarien/Confirmation gebetten/Resti-  
tution vnd Aduocation/souern du denen nit pariren  
würdest/beistand/hilff/rath vnd beschirmung be-  
williget vnd zūgesagt ist worden. Demnach so geben  
wir dir solichs hie mit zūuerstehn/vnd thün dir zūwis-  
sen/Das wir zū Lob des Allmechtigen/auch zū vn-  
dertheniger handthabung Key. vnd König. Mey.  
suspension/Declaration/Mandaten vnd geschaff-  
ten/Darzü irer Mey. vnd des heilige Reichs Landt-  
friden/vnd des bewilligten fridstands/Auch auß an-  
dern trefflichen redlichen rechtmessigē vrsachen/vil-  
geübter beweisslicher fridbrüch/den vermelten beyden

Stetten / berürte bewilligte hilff vnstrefflicher weiß/  
nach gelegenheyt deiner person Qualitet / auch deiner  
Macht / mit verleihung des Allmechtigen wider dich  
vnd deine helffer / vnd wer dir inn deiner fridbrüchige  
handlung vñ derselben handhabung anhengig sein  
wirdt / zū leysten bedacht sein / Dann wiewol wir den  
gestrengen vnsern rathe / vnnnd lieben getrewen Ern  
Bernharten vonn Mila Rittern / Landtvoigt zū  
Sachsen inn namen als obgemeldet ist / mit egliehen  
Reittern vnd Knechten zū sollicher defension vnnnd  
rettung bereyt angesandt. Nach dem wir aber bewes/  
gen / das der selbig Er Bernhart der Defension nach  
gestalt berürter deiner macht vnd gelegenheit zū sch/  
wach. So will vns gezemen / dieselben dermassen an  
zūstellen / Das sie zū erlangung bestendigs friden / ge/  
gen dir erspriesslich vnnnd nützlich sein möge. Da sich  
auch nun inn sollicher beschirmung vnnnd gegenwehr  
das würde zūtragen / Es sey inn was wege das es wöl/  
le / das dir vnd deinen anhangen zū verdriess schaden  
oder nachteyl reychen würde. So bezeügen wir vor al  
ler welt hiemit / Das vnser Christliche vereynigung /  
vnd wir dessen lieber vberhaben gewest weren / Vnd  
durch dich zū sollicher rettung vnd handlung genöt/  
tigt sein worden / weil vnser mit verwandten vnd wir  
alle müssliche vñ menschliche wege bißhär gebraucht  
vnd gesucht / Ob du von deiner fridbrüchigen hand/  
lung wider die offgemelten Stette hertest wöllen ab/  
stehn / vnd dich eins bessern besinnen / Aber alles auch  
mit verachtung der Oberkeyt / geschefft vnnnd gebot  
vnhülfflich gewest ist. Derenwegen wöllen wir vor